

**Нет автора**

**Полное собрание русских летописей**

**Том 6. Софийские летописи**

**Москва  
«Книга по Требованию»**

УДК 304  
ББК 60.5  
Н57

Н57 **Нет автора**  
Полное собрание русских летописей: Том 6. Софийские летописи / Нет автора – М.: Книга по Требованию, 2023. – 364 с.

**ISBN 978-5-458-00995-9**

**ISBN 978-5-458-00995-9**

© Издание на русском языке, оформление  
«УОУО Media», 2023  
© Издание на русском языке, оцифровка,  
«Книга по Требованию», 2023

Эта книга является репринтом оригинала, который мы создали специально для Вас, используя запатентованные технологии производства репринтных книг и печати по требованию.

Сначала мы отсканировали каждую страницу оригинала этой редкой книги на профессиональном оборудовании. Затем с помощью специально разработанных программ мы произвели очистку изображения от пятен, клякс, перегибов и попытались отбелить и выровнять каждую страницу книги. К сожалению, некоторые страницы нельзя вернуть в изначальное состояние, и если их было трудно читать в оригинале, то даже при цифровой реставрации их невозможно улучшить.

Разумеется, автоматизированная программная обработка репринтных книг – не самое лучшее решение для восстановления текста в его первоизданном виде, однако, наша цель – вернуть читателю точную копию книги, которой может быть несколько веков.

Поэтому мы предупреждаем о возможных погрешностях восстановленного репринтного издания. В издании могут отсутствовать одна или несколько страниц текста, могут встретиться невыводимые пятна и кляксы, надписи на полях или подчеркивания в тексте, нечитаемые фрагменты текста или загибы страниц. Покупать или не покупать подобные издания – решать Вам, мы же делаем все возможное, чтобы редкие и ценные книги, еще недавно утраченные и несправедливо забытые, вновь стали доступными для всех читателей.



щенье подобно бурѣ, ли егда прїидеть вамъ скорбь и граду разрушенье; и егда призвете мя <sup>1471</sup> въ день печали вашей, и азъ не услышу васъ<sup>а</sup>, глаголетъ Господь; или егда воздѣте руки ваша ко мнѣ, и азъ отвращу лице мое отъ васъ<sup>б</sup>. Сихъ ради плачюся и азъ, Іеремїа рече, рыдаю и ищу очима моима источники слезамъ, доволны суци страсти таковой; сзываю мудрыя, яко да рыданье сдѣлають, или содѣйствуютъ, утробою болѣзную и хаплью внутреняя своя и не имамъ како облегчити болѣзнь, малодушныхъ ради разума, еже рече о древнихъ Пророкъ, преслушанья ради<sup>в</sup>. Также и си мужїе Новгородстїи лукавствомъ своея злыя мысли възгордѣшеся, и множествомъ народа хвалящеся, и на ся упованїе возложиша, а своего государя великого князя въ законныхъ дѣлѣхъ преслушахуся, и того ради въздасть имъ Господь Богъ по дѣломъ ихъ и по лукавству злаго начинанїя ихъ<sup>г</sup>; якоже пишеть: всякъ ниже съ Бога снемъ надежду и на свой умъ накладая, будетъ анаѣема, сирѣчь проклять. О ихъже гордости вмалѣ яснѣе скажемъ. И егда бысть въ лѣта державы благовѣрнаго и благочестиваго великого князя Ивана Васильевича всея Руси, егоже избра и възлюби Господь Богъ и пречистая Богородица, и поручи ему держати и управлять отчину свою Русьскихъ земель великое княженье, по реченному словеси отъ Бога, Исаїемъ Пророкомъ глаголющимъ: будетъ корень Іосїевъ встанїи области языкъ, на нь языци уповають<sup>д</sup>. Сему же послѣдова великій свѣтилникъ Иванъ Златоустый, рече: не всякъ ли князь, областю содержаи земли, отъ Бога поставляется? сїце о Божїей мудрости слово река: нѣсть бо князя превладущаго развѣи Божїа воли, но отъ Бога учинени суть; того бо ради всяка душа челоувѣчская превладущему князю да повинуется: князи бо суть любленици Божїи, того бо ради дасться ему держава отъ Господа и сила отъ Вышняго, яко слуга есть Божїй, судъ правды любить. Они же Новгородстїи мужїе и вся ихъ земля Новгородская будучи господарева отчина великого князя Ивана Васильевича всея Руси, и яко забывше своея великія старїны, како въ началѣ отъ прежебывшихъ господарей<sup>е</sup> благочестивыхъ святыхъ князей, великихъ его прародителей и пречестныхъ его родителей великихъ князей, еще отъ святаго и равнаго Апостоломъ великого князя Владимира, крестившаго всю Русьскую землю, даже и до самого того государя до великого князя Ивана Васильевича, всея Русьскїе земли отчича и дѣдича, того святаго Владимира корене благодная расль<sup>ж</sup> христолюбивыхъ великихъ князей и благочестивыхъ, пятенадесяте колѣно святаго того роду, еже четется по написанному лѣтописцу бытїйскихъ книгъ; а отчина ихъ Великій Новгородъ и вси мужїе Новгородстїи, и отци и дѣди и прадѣди ихъ и пращурь, никогдаже не отступны были отъ нихъ отъ своихъ господъ, нигдѣже, и вся земля Новгородская лѣтъ за четыриста и осмьдесятъ и до сего времени николиже; а имя ихъ великихъ государей князей держали на собѣ честно и грозно, а въ земли и въ воды не вступалися, ни пошлїиъ господарьскихъ у себе въ земли не тавли, а о всемъ правили къ нимъ по крестнымъ грамотамъ. А нынѣча Новгородстїи мужїе, ради послѣднего сего времени, тое старїны всее по грѣхомъ забыли, а того дѣла господарьского по землѣ ничего не исправили, а пошлїиъ не отдають; а которыхъ земель и водъ съ суда по старинѣ отступився князю великому, да тѣ земли опять за себе поймали и людей къ пѣлованью приводили на Новгородское имя; а на дворъ на великого князя, на Городище, съ болшого вѣча присылали многихъ людей, а намѣстникомъ его да и послу великого князя лаяли и безчестовали, да въ имени великого князя, за отказомъ, на Городищѣ дву князей поймали силою, а людей перебили и переимали и въ городъ сводили и мучили въ его имени; а съ рубежовъ

<sup>а</sup>) Притч. I, 24—28. <sup>б</sup>) Исаїи I, 15. <sup>в</sup>) Слѣч. Іерем. IX, 1 и слѣд. <sup>г</sup>) Псал. XXVII, 4. <sup>д</sup>) Исаїи XI, 10.

<sup>е</sup>) господарей · государей Ц. <sup>ж</sup>) расль · отрасль Ц.

1471 съ Новгородскихъ отчинѣ великого князя и его братьи молодшіе отчинамъ и ихъ людемъ многу пакость чинили Новгородци, грубачи тѣмъ великому князю, а сами держачи собѣ мысль, хотячи отступити отъ своего государя отъ великого князя, а датися королю Латиньскому государю, хотячи лиха всему православию. Благочестивый же государь великій князь Иванъ Васильевичъ всея Руси колко къ нимъ о томъ къ своей отчинѣ посылалъ своихъ пословъ, чтобы никоторого лиха не учинили, а исправили бы ся во всемъ, его отчина, и жили бы по старинѣ; да о томъ много имъ терпѣлъ ихъ досады къ нему и непокорства, ждучи отъ нихъ собѣ чистого исправленія и правого челобитья. И пріѣхавъ пакъ<sup>а</sup> отъ нихъ, отъ его отчины отъ Великого Новагорода, посломъ Василей ихъ Аваньинъ посадникъ Новгородскій, да князю великому посолство правилъ о своихъ дѣлѣхъ о земьскихъ о Новгородскихъ, а о ихъ грубости и о неисправленѣ Новгородскомъ ни одного слова покорна не правилъ; и въ отвѣтѣхъ бояромъ великого князя реклъ Василей: «о томъ Великій Новгородъ не мнѣ приказалъ, то ми не наказано<sup>б</sup>.» И господарю великому князю то отъ нихъ велми грубно стало, что же о своихъ дѣлѣхъ о земьскихъ къ нему посылають, его отчина, и челомъ бьютъ, а въ чемъ ему грубятъ, а того лиха въ собѣ забываютъ, да и гнѣвъ свой на нихъ, на свою отчину, положилъ на Великій Новгородъ и на конѣ възвѣсти хотѣлъ; а съ Васильемъ приказалъ въ Великій Новгородъ: «исправитесь ко мнѣ, моя отчина, сознайтеся, а въ земли и въ воды мои великого князя не вступайтесь, а имя мое держите великого князя честно и грозно по старинѣ, а ко мнѣ къ великому князю посылайте бити челомъ по докончанью; а язъ васъ, свою отчину, жаловати хочю и въ старинѣ держу;» да съ тѣмъ его и отпустилъ, возвѣщая своей отчинѣ, что ему уже не въ истерпѣ, болѣ того имъ терпѣти не хочеть ихъ досады и непокорства. Да и въ Псковѣ князь великій, въ свою отчину, съ тѣмъ же словомъ послалъ, а велѣлъ имъ возвѣстити о томъ же, что къ нему отчина его Великій Новгородъ не править; «и учнутъ ко мнѣ къ великому князю посылати, а имутъ ми челомъ бити моя отчина, и язъ ихъ жаловати хочю; а не учнутъ ко мнѣ посылати моя отчина Великій Новгородъ, и вы бы на нихъ со мною готови.» А за тѣмъ у нихъ преставися отецъ ихъ архіепископъ Юна Великого Новагорода и Пскова, и мужіе Новгородстїи скоро по немъ избраша священноинокъ Теофила<sup>в</sup> и нарекоша его собѣ отцемъ на мѣсто его; а къ великому князю Ивану Васильевичю всея Руси прислаша бити челомъ боярина своего Микиту Савина, отъ всего Великого Новагорода, отъ его отчины, просячи опасныхъ грамотъ; а пресвященному Филипу митрополиту всея Руси, отцю великого князя, да и матери его великой княгини Марьи билъ челомъ Микита отъ всего же Великого Новагорода, чтобы пожаловали о нихъ печаловалися князю великому: чтобы нареченному ихъ Теофилу, да и посадникомъ и тысяцскимъ, да и бояромъ Новгородскимъ на Москву пріѣхати къ великому князю бити челомъ безъ опасы; а тому бы ихъ Теофилу нареченному поставлену быти на владычество Великому Новгороду и Пскову и въ бѣломъ клобуцѣ, и отъѣхати всѣмъ добровольно. Благовѣрный же государь князь великій, отца своего дѣла митрополита прошенія и челобитія и матери своей дѣла великіе княгини, пожаловалъ свою отчину Великій Новгородъ, гнѣвъ свой съ сердца имъ сложилъ, и опасъ имъ далъ, и грамоты свои опасныя имъ подавалъ<sup>г</sup>. Они же,

---

а) пакъ - паки Ц. б) не мнѣ. . . не наказано - такъ было и въ Ц, но потомъ поправлено мнѣ не приказалъ, то ми не связано. в) теофила - теофана ошибк. Ц. г) и пріѣхавъ пакъ отъ нихъ. . . василей ихъ аваньинъ. . . подавалъ и проч.; сіе мѣсто сходно съ грамотою митрополита Филиппа Новгородца, помѣщенною въ «Актахъ Историческихъ», т. 1, стр. 512 — 514 Слич. тамъ же другую его грамоту, стр. 514 — 518.

мужіе Новгородстѣи , яко заблудивше въ мыслехъ своихъ , да о сихъ не въспомануша въ 1471 собѣ , ниже убояшася Господемъ реченнаго древле словеси ко всему сонму сыновъ Израилевъ , глаголя : людіе мои ! аще хочете и послушаете мене , благая земныхъ снѣсте ; аще ли не хочете , ни послушаете мене , ни сотворите повелѣній моихъ , то извѣдятъ труды ваша противніи ваши , и падете предъ супостаты вашими , и сокрушу досажденіе гордыни вашей , и погубить вы находай мечъ , и будетъ земля ваша пуста и двори ваши огнемъ пожжени ; яко вы ходисте ко мнѣ странюю , и язъ прииду на вы съ яростію моею , глаголетъ Господь<sup>а</sup>. Они же , древніи Израилтяне , сего Господемъ реченнаго словеси не послушавше , ниже сотворивше , и того ради своєю обѣтованныя земли лишени быша и сами разсѣяни быша по землямъ многимъ . Также и си Новгородстѣи людіе гордостію въ собѣ разсвѣрѣпѣвше , да за тѣми опасными старою си измѣною лжуще своему государю великому князю , да сами възскаша собѣ Латыньскаго держателя государемъ , а преже того и князя собѣ у него же възша въ Великій Новѣградъ , Кіевскаго князя Михаила Олександровича , и держаша его у себе время доволно , чиняще тѣмъ грубость государю великому князю ; да таковою прелестію злурядыхъ человекъ увязнуша въ сѣтехъ оного ловца и гордаго убійца душамъ человекъскимъ , многоглавнаго звѣря , лукаваго врага дьявола , ихже лукавымъ совѣтомъ злѣ пожертъ яко адъ живый . Той бо прелестникъ дьяволъ вниде у нихъ въ злохитриву жену въ Марѣу Исакову Борецкого , и та окаанная сплется лукавыми рѣчьми съ Литовскимъ княземъ съ Михаиломъ , да по его слову хотячи повти за мужъ за Литовскаго же пана за королева , а мыслячи привести его къ собѣ въ Великій Новѣградъ да съ нимъ хотячи владѣти отъ короля всею Новгородскою землею ; да тою своєю окаанною мыслью нача прельщати весь народъ православія , Великій Новгородъ , хотячи ихъ отвести отъ великаго князя , а къ королю приступити . И того ради възіаше на благочестье якоже она лвица древняя Езавель ; та бо тогла многи убиваше пророчествующихъ о имени Господни , и сама съ стѣнъ<sup>б</sup> града свержена и конми попрана сконча окаанный свой животъ , пси бо снѣлоша ю . Также и другая подобна ей бѣсовная Иродья , жена Филипа царя , о беззаконьи обличена бывши Крестителемъ Господнимъ , и того ради окаанная оболести своего царя и плясаніемъ дщери своєю угодивъ ему , отсѣче главу пророчю ; и сама съ дьяволомъ мучитися осуждена бывши въ безконечныя вѣкы . Къ сямъ же и Еудоксія царица<sup>в</sup> , свое зло показуя , великаго всемірнаго свѣтилника Іоанна Златоустаго , патриарха царствующаго града , съ престола согна и во Армены заточи ; и того ради жива червьми искипѣвши многое лѣтъ , по смерти живота ея трясеніемъ своего гроба проявляше знаменіе будущей муцѣ . Также и Далила окаанная мужа своего Самсона храбраго , судящаго всему Израилю , ласкаючи прелести , и испытавъ отъ него и увѣдавъ тайну его , постриже власы главы его , и яко птица опѣшено предасть иноплеменникомъ . А сія Марѣа окаанная , подобна имъ , также всего народа хотяше прелестити , и съ праваго пути ихъ совратити , и къ Латынству ихъ приложити : зане бо тма прелести Латыньскія ослѣпи ей душевнїи очи , лукаваго ради съ нею дьявола сплетеня и мысли злая Литовскаго князя . Съ нею же о сихъ мысля и думая , еже отъ самого сотоны гордаго дьявола злѣ подстрекаемый , чернецъ Пуминъ , еже бысть стараго владыки ключникъ , и той лукавый втай шепча съ нею на все зло помагаше ей , а самъ желаше настолованья государя своего владычества въ Новѣгородъ , по животѣ его , еже татствомъ и казны его собѣ выносплѣ ; и не получи желаснаго , еже не благоволи о немъ Господь Богъ , ни о жребьи его , и тако не прїятъ бысть отъ людіи православныхъ на велику степень . Онъ же злодѣивый якоже первый развратникъ

а) *Исаи* 1, 7, 19, 20. б) съ стѣнъ • стѣнъ *во ослѣхъ сл.* в) царица • царица *тамъ же.*

1471 вѣрѣ Петръ Гугнивий, или яко древній Формосъ, еже началници быша Латыньскимъ ере-  
семъ; имъ же въ лѣта наша послѣдоваше Исидоръ митрополитъ богоотступный, еже былъ  
на осмомъ на Римскомъ соборищи въ Флорентійскомъ градѣ Латыньстѣмъ, да ся папина ради  
злата и его прелести и чти ради гардиналства къ Латынямъ приложися; съ ними же и Гри-  
горей богоотступный ученикъ его, еже нынѣ въ Кіевѣ зовется митрополитомъ, его же не  
пріять святая наша великая соборная церковь Рускія земля православію, но отместеть. Опъ  
же лукавый чернецъ Пуминъ отъ того Григорья богоотметнаго и поставленія себѣ требоваше,  
извѣстия людемъ сице глаголаше: «хотя на Кіевъ мя пошлите, и тамо язъ на свое постав-  
леніе ѣду;» а не помяну въ собѣ о сихъ реченнаго словеси въ святомъ Еуангеліи усты  
Господни: всякъ не входяй дверьми въ дворъ овчій, но прелазя иудѣ, тать есть и разбой-  
никъ<sup>а</sup>. Сей же лукавый неточью яко волкъ чрезъ ограду хотяше влѣзти ко овцамъ словеснымъ  
дому Израилева, но и святую церковь Божію тѣмъ раздрати и возмести хотяше, да симъ  
прелщеньемъ и соблазномъ злымъ погубилъ окаанный всю Новгородскую землю; по рече-  
ному Пророкомъ: сей человекъ иже не положи Бога помощника собѣ, но упова на множе-  
ство богатства своего, и возможе суетою своею<sup>б</sup>. И сей Пуминъ такоже упова, множество  
злата издаваше лукавѣй той женѣ Марѣѣ, а веляше ей давати въ народъ людемъ многимъ,  
дабы имъ помагали на ихъ волю; и того ради окаанная злая аспида ни Бога боится, ни че-  
ловѣкъ срамляется, таково вводя расточеніе<sup>в</sup> и пагубу на всю Новгородскую землю, погуб-  
ляя<sup>г</sup> многихъ душа. О таковыхъ бо безумныхъ женахъ великій Іоанъ Златоустый пиша гла-  
голетъ: ничтоже есть на земли подобно женѣ злѣ и азычнѣ, никій же звѣрь точенъ есть женѣ  
пронырливѣ, и гордѣ, и величавѣ; къ сему же, рече, послушествуетъ ми премудрый Соло-  
монъ, глаголя: нѣсть злобы противу злобѣ женстѣй; луче бо есть жити со лвомъ и со зміемъ  
въ пустыни, нежели съ злою женою<sup>д</sup>. А сія окаанная жена неточью себе и свою душу  
погубляющи, но и чада своя конечнѣ влекущи съ собою въ пагубу, еже и бысть имъ; зане  
бо ношъ прелести къ невидѣнью объять ю и всѣхъ слушающихъ ея омрачи, и того ради  
многи людіе на сонмище къ ней схожахуся и мнози послушаху прелестныхъ и богоотмет-  
ныхъ словесъ ея, не вѣдуще о сихъ, еже бысть на пагубу имъ, и смутишася мнози отъ на-  
рода соблазномъ ихъ. Преподобный же священноинокъ Теофилъ, нареченный на владычество  
отецъ ихъ, добрѣ соблюдале ихъ отъ таковыя ихъ мысли лукавыя и повелѣваше имъ, яко  
да престануть отъ таковаго злаго начинанія, они же не послушаху словеси его; да того ради  
самъ многажды покушашесе о сихъ, дабы отъ нихъ сшелъ въ монастырь въ келью свою, они  
же не пустиша его, а свою злую мысль сшивающе не престаша. Егда же слышавъ сія князь  
великій Иванъ Васильевичъ всея Руси, тако творимая въ его отчизнѣ; въ Великомъ Новѣгородѣ,  
людми его неукротимая грубость, и неистовящаяся люди и зыблющася яко волны моря, и о сихъ  
благочестья дѣлатель князь великій помысли въ собѣ во пречестіѣмъ и благоутробіѣмъ сердци  
своемъ, и не ускори на нихъ озлобиться; но благимъ терпѣніемъ смири пречестную душу свою,  
Божія страха исполнився, по Апостолу, воспоминаая божественнаго свѣта праведнаго солнца  
Христа милостивное долготерпѣніе, како преклони небеса Сынъ Слово Божіе, смиривъ себе смиде  
на землю и зракъ рабій пріимъ, ради спасенія человѣческаго<sup>е</sup>; и того ради попускаше имъ князь  
великій время довольно, глаголя въ собѣ: праведенъ еси, Господи, и прави суди твои; яко  
праведенъ Господь, правду возлюби и правая видѣ лице его<sup>ж</sup>. И сія помышляя жаловаше

а) *Іоанн. X, 1.* б) *Псал. LI, 9.* в) расточ - растоніе Ц. г) погубляя - такъ исправлено *Издателями*; во  
естъ ст. неправильно погубляемъ; у *Стрובה* въ *Соф. Врем.* и погубляетъ. д) *См. Сказ. XXV,*  
*18, 24.* е) *Къ Филипп II, 7—8 ж; Псал. CXVIII, 137.*

нихъ, своею отчиною, не хотя видѣти многого пролиться крове хрестьянскіе, глаголя въ собѣ: 1471 «многажды убо волны приразившеся камени въ пѣны разливаются, и ничтоже успѣютъ, и яко посміяни<sup>а</sup> отъ него исчезаютъ; такоже и си наши людье Новгородстїи не первую сію намъ взмѣну показываютъ, но Господь Богъ смиритъ ихъ». Да того ради еще и отцю своему, пресвященному Филипу митрополиту всея Руси, повелѣ отъ себе посылати къ нимъ своего писанія грамоты, съ своимъ святительскимъ поученіемъ и наказаніемъ отъ божественныхъ Писаній, уча и наказая еже отъ свѣта благочестїа не отступати, а отъ злыя своя мысли возвратитися, а отъ тмы прелести Латынскїа удалитися, а къ нимъ не приступати. Пресвященный же Филипъ митрополитъ всея Руси отъ себе и не единою посылалъ къ нимъ въ Великій Новгородъ свои грамоты, пишучя къ нимъ свое благословенье съ поученіемъ отъ святыхъ Писаній; сице пиша:

Слышу, сынове, что у васъ нѣкоторыи поостряются на многое стремленіе, и на великое земли неустроеніе и нетишину, хотячи ввести мятежь великъ и расколу святѣй Божїей церкви, да отступая отъ православїа и отъ великіе старины да хотятъ къ Латыномъ приступити; и вы у себе тѣхъ лихихъ сами вѣсчюните отъ таковаго ихъ злаго начинанїа, занеже, сынове, то есть прелестно и богоотметна дѣло, еже благочестїа свѣтъ оставити, а ко тмѣ Латынскыа прелести приложитися, какъ бы не чаючи на себе отъ Бога будущаго суда его, ни устрашаяся отъ него многихъ и вѣчныхъ мукъ, да тако дѣлати чрезъ разума Божїа и спасенныхъ его заповѣдей. И вы Божїа гнѣва убойтеся и его страшнаго серпа, великимъ Захарьею Пророкомъ видѣннаго, исходящаго съ небеси на сыны непокоривыа<sup>б</sup>; и вы того ради накажайте безчинныа, творящя въ васъ распри и соблазны, а учите ихъ доброй старинѣ, по пути отецъ своихъ ходити и жити въ прежнемъ си благочестїи и тишинѣ: многа бо люта и неутолима предстоятъ въ таковѣмъ начинанїи, еже оставити новый законъ благочестья и спасенныа заповѣди живаго Бога и приступити къ Латынству; вси бо прелестныа души вѣрныхъ възмущутся отъ Господа Бога на тѣхъ прелестныхъ богоотступницѣхъ, и вы отъ того лиха ихъ вѣсчюните, по реченному: бѣжи грѣха яко ратника, бѣжи отъ прелести яко отъ лица змиа, да не уязвитъ твоя душа жалою пагубы некончаема<sup>в</sup>. А о сихъ, сынове, и сами вѣсте, како въ прежебывшая времена колѣкїа царства великихъ земль и многїа грады и мѣста, преступленїа ради закона и преслушанья ради святыхъ Пророкъ, и Апостолъ, и святыхъ Отецъ ученья не послушавше, въ пагубу многу впадоша и въ заустѣнѣ быша; а непокорившася земли и грады Богомъ подрученному своему государю како сотрошася и разорени быша; а и царствующїи прежде благочестїемъ великій градъ Костянтинополь не тоя же ли ради Латынскыа прелести погibe, и отъ благочестїа истребися, и донынѣ поганымъ Туркы одержимъ бысть? И вы, сынове, Божїа страха убойтеся; не единъ бо въ васъ ни два блазнитеся, хотячи отъ истины отступити и съ праваго пути заблудити, забывая великую вашу старину и закона отецъ своихъ, да и своихъ дѣдовъ и прадѣдовъ, но безчисленное ваше множество народа людей вси смущаетеся. И вы, сынове, смиритеся ему же Богомъ покорени есте, подъ крѣпкую руку благовѣрнаго и благочестиваго Русьскыхъ земль государя великаго князя Ивана Васильевича всея Руси, вашего отчича и дѣдича: по реченному великимъ свѣтилицкомъ Павломъ Христовымъ Апостоломъ, вселенскимъ учителемъ: всякъ, рече, повинуйся власти Божїю повелѣнїю повинуется, а противляйся власти Божїю повелѣнїю противится<sup>г</sup>; и

а) посміяни т. е. посміяни. такъ поправляетъ Издатель; во всѣхъ св. посміяни. Въ печатномъ Соф. Врем. такъже непонятно посміяни; по мнѣнїю Строева посрамленїа. б) См. Захар. V. в) Слч. Сирах. XXI, 2. г) Къ Римл. XIII, 2.

1471 паки рече: Бога бойтеса, а князя чтите<sup>а</sup>; Божій бо слуга есть, не туне бо мечъ носить въ мѣсть врагомъ, но и въ похвалу благимъ<sup>б</sup>. И вы, чада, о сихъ поразумѣйте, да того ради смиритеса; а Богъ мира да будетъ съ вами.

Они же яко неистови суще и каменосердечни ни такового къ нимъ писанья не послушавше, но пребываста по реченному, якоже аспида глуха, затыкающи уши свои, еже не бы слышати гласа обавающихъ<sup>в</sup>; якоже и си мужіе Новгородстїи писаніе глаголемыхъ имъ ничтоже внемлюще, ниже благословенія святительскаго требующе, ниже престаша отъ лукавыхъ дѣлъ своихъ, еже помышляху въ собѣ злая совѣты, ихъ же не возмогоша ставити. Благочестивый же государь великій князь Иванъ Васильевичъ всея Руси, по своему благоутробию, и еще смилосая о нихъ, о своей отчинѣ, да и еще ихъ жалуя, да послалъ къ нимъ въ Великій Новгородъ, къ своей отчинѣ, посла своего Іоанна Ѳедоровича Товаркова, также своимъ жалованіемъ и своими добрыми рѣчьми: «чтобы отчина его отъ православья не отступали, а лихую бы мысль у себе изъ сердца отложили, а къ Латынству бы не приставали, а ему бы челомъ били да къ нему исправилися; а онъ великій государь жалуетъ васъ и въ старинѣ держитъ.» Они же лукави сего не послушаху, а отвѣтомъ своимъ лукавымъ поостряющеса на великое зло, удаляяся отъ православья, а хотячи къ королю приступити; ихъже преди обличеніе скажемъ. Егда же слышавъ сія князь великій, тако творимая въ его отчинѣ въ Великому Новѣгородѣ людьми его неутолимая грубость, и въ той часъ посла къ нимъ въ Великій Новгородъ грамоту складную, написавъ ихъ неправды и ихъ измѣны къ нему, возвѣщая имъ, что на нихъ ратми идетъ самъ князь великій. А преже того на Двину да и на Заволоцьскую землю князь великій послалъ своихъ воеводъ, Василья Ѳедоровича Образца да Бориса Матѣевича Тютшева, своими людьми, Устюжскіе земли да и Вятскіе земли да и Вологодскіе земли ратми, на вси тамо на Новгородскыя пригороды, и на вси ихъ волости и на погосты. А самъ князь великій посла преди себе ратию передовыя полки своя, а въ нихъ посла воеводъ своихъ, князя Данила Дмитреевича Холмскаго да боярина своего Ѳедора Давыдовича, а съ ними своихъ князей и дѣтей боярьскихъ многихъ отъ своего двора; и повелѣ имъ пригороды Новгородскіи въ Русѣ повоевати за озеромъ за Илмеремъ, противъ города, и мѣста ихъ огнемъ пожечи. А въ свою отчину въ Псковъ князь великій послалъ, чтобы Великому Новгороду цѣлованіе съ себе крестное сложили, да и на конь съ ними всѣли на его службу, на Великій Новгородъ, занеже отъ православья отступаютъ къ королю къ Латынскому государю. Они же со тцаньемъ подвигшеса со всѣми людьми Псковскіе земли, да по государя своего слову по великого князя Ивана Васильевича всея Руси, въ той часъ и крестное цѣлованье съ себе Великому Новгороду сложили. Самъ же благочестивый государь князь великій, помоливъ Господа Бога и пречистую его Богоматерь, многи слезы проливаше предъ ними, прося ихъ великія милости о умиреніи мира, и о благостояніи святыхъ церквей, и о всемъ православьи; жалостью сердце свое исполнивъ, рече въ собѣ: «вѣси, Господи Владыко превѣчный Царю, и вся свѣси тайная сердець человѣческихъ, яко не своимъ хотѣніемъ, ниже своею волею на се дерзаю, еже бы прольитися мнозѣй крови хрестьянствѣй на земли; но стою о божественнѣмъ ти богуоставнѣмъ законѣ святыхъ Апостолъ и святыхъ Отець, даже и о истинномъ православьи Рускія земли, а о ихъ свое отчины отступленіи къ Латынству, чтоже они, людье наши, истинныя вѣры благочестія отступаютъ, а къ Латыномъ ся отдавають.» И тако моляся благочестья дѣлатель, призываше къ собѣ на помощь великаго заступника и скорого помощника на бранехъ воеводу небесныхъ силъ Архистратига Михаила,

а) 1 Петр. II, 47. б) Кв Римл. XIII, 4. в) Псал. LVII, 5. 6.

и великихъ страсотерпецъ Христовыхъ непобѣдимыхъ, Дмитрея Селунскаго, и Егорья храб- 1471  
раго, и Θεодора Стратилата, и святыхъ православныхъ своихъ прародителей великихъ кня-  
зей Владимира и сыновъ его, и благочестивыхъ своихъ родителей великихъ князей; и на  
молитвы святыхъ надѣяся, великаго святителя Іоанна Златоуста патріарха Царяграда, и Ни-  
колы великаго чудотворца Мирскаго, великаго чудотворца Петра митрополита Русьскаго, и  
Алексія митрополита Русьскаго чудотворца, и святаго Леонтія епископа Ростовскаго чудо-  
творца, и преподобныхъ святыхъ чудотворецъ, великаго Сергія, и Варлама, и Кирила, и  
Никиты Столпника Переяславскаго чудотворца, ихъже молитвами яко да утвердитъ его  
Господь Богъ и укрѣпитъ на многа лѣта, съ пособіемъ свыше своея помощи. И тако уповая  
на Бога всѣлъ на конь и самъ князь великій; а въ дому пречистые Богородици и великаго  
святителя и чудотворца Петра, на столѣ своя отчины великаго княженя, въ свое мѣсто  
посадилъ на Москвѣ сына своего, благовѣрнаго и благочестиваго великаго князя Ивана Ива-  
новича, блюсти свое отчины и управляти Русьскіе земли; а у него оставилъ брата своего  
меньшаго князя Ондрѣя Васильевича, да еще повелѣ ему сыну своему держати у себе Мур-  
тосу царевича, Мустафина сына царева, и съ его князми и съ его казаки, на что ся гдѣ  
приводитъ ему на каково дѣло. А съ собою князь великій вземъ брата своего молодшаго  
князя Юрья Васильевича, и свою братью молодшую князя Ондрѣя Васильевича и князя Бо-  
риса Васильевича, и князя Михаила Андрѣевича и съ его сыномъ со княземъ Васильемъ Ми-  
хамловичемъ, и своихъ князей служебныхъ, и бояръ своихъ и многихъ воеводъ, и дѣтей  
боярскихъ и со всѣми людьми земель своихъ; и царевича своего другаго князь великій съ  
собою же вземъ, царева сына Алдаяра Касымовича своей земли Мещерьскіе, и съ его царе-  
вичи и со князми и съ его казаки и со всѣми ихъ людьми; а отчины его Псковскіе земли  
на нихъ рати придоша, съ рубежовъ отъ своя земля. И тако двинувся князь великій  
всѣми землями, поиде на свою отчину на Великій Новгородъ, за измѣнныхъ людей гордость  
и непокорство и за ихъ отступленье къ Латынству; многими тяжкими силами занявъ всю  
ихъ землю Новгородскую отъ края до края, съ великою грозою своего меча и огня и по  
всѣмъ мѣстамъ Новгородскіе земли. Якоже древле вѣща Іеремія о Навходоносорѣ цари Вави-  
лонстѣмъ, рече: отъ яжденя грома колесницъ его и отъ рзанія<sup>а</sup> конь его потрясеса земля<sup>б</sup>:  
сице же, милостью и помощью Вышняго, и въ наша лѣта сбытсся сіе Пророкомъ реченое  
и надъ сими лукавыми людьми Новгородскіе земли, отъ благочестиваго государя отъ великаго  
князя Ивана Васильевича всея Руси, великая гроза и великая страсть, за ихъ къ Латыномъ  
отступленье и за ихъ неправду. Земля же ихъ бѣше Новгородская озеры и болоты вельми  
наводненя, и того ради въ лѣтней годинѣ рать на нихъ конная николи же не бывала ни отъ  
которыхъ прежнихъ господарей великихъ князей; а они лукави старою своею измѣною про-  
длыгаяся жили отъ осени до зимы даже и до весны, а въ лѣтѣ безъ опасы живуще, навод-  
неня ради земля ихъ; а нынѣ, по Божьей благодати, свыше отъ Бога даниѣй благочести-  
вому великому князю Ивану Васильевичю всея Руси, на ихъ пагубу Новгородскыя земли,  
како взше земля ихъ, ни крапля дожда съ небеси на землю ихъ не бывало во всемъ лѣтѣ,  
отъ мѣсяца маія и до мѣсяца септеврѣя, и земля ихъ вся изше и блата непроходимая отъ  
солнечнаго зноя пресхоша: всюда бо вездѣ у нихъ ратнии полцы князя великаго ничимъ же  
неудержимо гоняху по всей земли и воеваху невозбранно, а скоти гнаху отовсюды непрохо-  
димыми мѣсты и блаты, а все по суху; тако бо Господь на нихъ изсохновенье земли наведе

а) отъ рзанія отъ терзаніе *ошибк.* Ц. отъ резанія Г; *въ печатномъ Соф. Врем.* отъ рженія. б) *Іерем.*  
VIII, 46.

1471 имъ неправды ихъ ради, смиряя ихъ подъ крѣпкую руку благочестивому си князю государю нашему Русьскіе земли. Егда же услышавше сія мужье Новгородстїи, чтоже идетъ на нихъ самъ князь велики многими силами, они же лукави послаша къ нему съ челобитьемъ, и еще собѣ опаса просячи; а все лжучи и неправду дѣлаючи. А въ ту пору на передовыи полки, на великого князя воеводъ, послаша свою рать въ судѣхъ по Илмерю озеру, многихъ людей отъ Великого Новагорода, и пришедше къ нимъ за озеро бѣшася съ ними; и поможе Богъ воеводамъ великого князя, и убиша ту Новгородцевъ съ пять сотъ человекъ, а инѣхъ руками живыхъ поимаша, а инїи въ водѣ истопаша, а инїи въ градъ убѣжаша, повѣдающе ся гражданомъ, яко избѣени быша отъ воеводъ князя великого. Они же въ градѣ взятошася зѣло, и сдумавше собѣ, послаша отъ себе другаго посла къ великому князю, посадника Луку Климентьевича, бити челомъ и еще опаса же просячи; а того побитья судовое свое рати потавши, что, рекши, еще ничтоже отъ нихъ изъ города людемъ князя великого брани не бывало. Да и того посла своего опасника Новгородци къ собѣ не ждучи отъ великого князя, да сами лукави възмыслишася на великое злое, ихъ посадника Новгородстїи, окаянїи измѣнничи, и тысяцкые ихъ, и бояре и житїи и купци, весь Великій Новгородъ: собравшеся воедино и совокупшася рати вѣщши яко тридесять тысящъ, а не вѣдуще яко мечъ Божїи поострится на нь, и всѣдше на коня своя и поидоша скоро изъ града многими силами на тѣхъ же воеводъ великого князя, на передовыи полки, на князя на Давыда на Дмитреевича и на Федора на Давыдовича. Здѣ же сбысться Давыдомъ Пророкомъ реченое: наутрїа избивахъ вся грѣшныи земли, да потреблю отъ града Господня вся творящая безаконїе<sup>а</sup>. Егда же придоша стражіе вѣстничи и воеводамъ великого князя повѣдающе, чтоже идетъ на нихъ отъ Великого Новагорода конная рать велика зѣло, да и судовая рать по озеру идетъ къ нимъ же на помощь въ рѣку въ Шолону; слышавше же сія отъ нихъ воеводы князя великого, и тако начаша поминати и глаголати въ собѣ правды своего государя великого князя предъ его отчиною, предъ Великимъ Новымгородомъ, а ихъ лукавую Новгородскихъ мужей намѣну предъ нимъ, и помолившеся Господу Богу о сихъ и его пречистѣй Богородици, и положивше упованїе на Бога, и рѣша дружинѣ своей: «то, братїе<sup>б</sup>, намъ мѣра послужити своему государю великому князю Ивану Васильевичю всея Руси; а рати ихъ, братїе, хотя бы триста тысящъ было, а намъ одинако свой животъ положить за своего государя за великого князя, а съ ними битися за государеву правду; а то вѣдаетъ Богъ и пречистая Богородица, и нашего государя великого князя правда предъ ними.» Во утрїи же день, въ недѣлю, рано, на память святаго Апостола Акилы, мѣсяца іулія въ 14 день, приспѣша къ нимъ ратныи полки да и всѣ силы Новгородскыи на рѣку Шолону, и сташа обои вооружившеся на бой протїву себе. О велико неисповѣдимое Божїе милосердїе! недоумѣетъ бо языкъ человекъскїи, како изрещи или написати многомилосердаго Владыки Христа свыше милостивное призрѣнїе работъ его. Якоже древле Елисею Пророку сѣдящю близъ Іердана съ пятьюдесять сыновъ пророчьскыхъ, еже слышавъ о немъ царь Асурїйскїи и посла тысящю вой, повелѣ и нати его; и уарѣвше вой съ горы и хотяху бѣжати сынове пророчьстїи, Елисей же рече има: почто мала вой бѣжите, множайшии бо въ насъ суть<sup>в</sup>? и показа имъ ангельскыхъ вой множество о собѣ, и укрѣпв я, и иде съ ними ко Асурїйскимъ воємъ. Тако бо Господь свыше посла въ той часъ своего божества невидимую<sup>г</sup> силу, помагая полкомъ великого князя, ради его великаго бла-

а) Псал. С, 8. б) братїе• брате такъ и ниже во всякъ св. в) 4 Царств. VJ, 16. г) невидимую• невидимую Б. Г; въ печ. Соф. Врем. и невидимую силою.

гочестья и вѣры, о ней же добръ подвизашеся. Егда бо узрѣвше вся силы Новгородскыя<sup>а</sup>, скоро вметаша полки великого князя въ рѣку противу имъ на конехъ своихъ, а ни единого же ихъ конь не потчеса высоты ради берега, ниже глубиною воды потомишася, но скоро чрезъ рѣку прешедше на вся силы Новгородскія и ступишася вмѣсто бьющеся. И ту сбьсться реченое Пророкомъ, глаголющимъ: взятошася и всколебашася яко пьяни, Новгородци тѣ мужіе, и вся мудрость ихъ поглощена бысть<sup>б</sup>; и паки рече: вздремашася всѣдше на коня своя, ты страшень еси Господи, кто противу станеть ти? Тако убо Господня благодать и милость соблюдаше вся люди полковъ князя великого и помагаше правдѣ его, якоже Гедеону надъ Мадьямы, и Авраму на царя Ходоагомора Содомьскаго; тако Богъ поможе и воеводамъ князя великого на сія неправдивыя отступники, на мужи Новгородстѣи. Егда бо сташа ополчившеся противу ратнымъ полкомъ великого князя Новгородци, и тако ничтоже возмогоша подъяти крѣпцѣ рукъ своихъ противу имъ; но сами зѣло взятошася отъ напрязанья луковъ стрѣлъ ихъ и отъ рукъ оружья ихъ, по пророческому реченью, якоже пишеться: ту падоша вси творящїи безаконїе, изриновени<sup>в</sup> быша и не могутъ стати. И тако, Божьею благодатью, въ часѣ времени<sup>г</sup> Новгородци обратиша лица своя назадъ, мечюще оружія своя на землю, и влаша своя плеща лукаваго ополченїя и побѣгоша вспять, отнюду же прївдоша; и бѣжаша посрамлени, мечюще съ себе доспѣхи своя тягости ради конь своихъ, и ту падоша мнози зѣло трунья ихъ мертвы на землю. Якоже рече Давыдъ: Господь праведень, ссѣчетъ выи грѣшникомъ<sup>д</sup>; еже и бысть имъ неправды ихъ ради и великіе измѣны предъ государемъ предъ великимъ княземъ. Не тако бо зрѣти въ нихъ бѣаше, якоже бы руками человѣческими побиваемымъ быти имъ, но невидимою силою живаго Бога и помощью великаго Архангела Михаїла, воеводы небесныхъ силъ, вси устрашаеми зѣло, и мнози умерщвляеми падаху на лица земли, а нїи мечущеся съ конь своихъ на лѣсъ яко скоть бредяху, не вѣдяще другъ друга аможе кто идетъ, и гласомъ отовсюдѣ объяти слышашуся, сице глаголющимъ, а уже и женущихъ не бѣ ту на мѣстѣ никого же, идѣже имъ гласи слышатся, якоже уставленъ бѣаше глаголатися ясакъ полковъ князя великого: Москва. Тако бо Господь исполни страха лукавая сердца ихъ, и блудяху въ лѣсѣхъ, не знаючи своихъ мѣстъ, ни своя земля. Воини же благочестиваго государя великого князя, по Божьей милости, добръ храборьствующе надъ ними, надъ лукавыми Новгородци, и гоняша ихъ яко 20 поприщъ убивающе, мнози отъ нихъ смерти предаяху, а нїихъ многихъ зѣло руками живыхъ поимаша, а нїи въ судѣхъ въ водѣ истопоша на рѣцѣ Шоловѣ; воини же ставше на побонщи на костехъ ихъ, честно вѣструбиша, радуящеся прикладахуся ко святымъ образомъ знаменъ ихъ Новгородскыхъ, возвеличая Божїе милосердье о побѣдѣ на своя супостатныя враги. И тако сматряюще обрѣтоша въ кошевныхъ вьюцѣхъ у нихъ списки, въ нихъже бѣше писано съ королемъ Новгородское докончанье; они же сія видѣвше и подвизашася, да въ той часъ послаша къ своему государю къ великому князю Ивану Васильевичю всея Руси его сына боярьского Ивана Васильевича Замятню, возвѣщая о сихъ, чтоже на нихъ приходили знамяны болшая рать Новгородская, весь Великій Новгородъ, лучшии люди, и билися съ ними ступнымъ боемъ великимъ, и Богъ имъ пособилъ воеводамъ великого князя, ту болшую рать ихъ Новгородскую били добръ и многихъ отъ нихъ выбили, а нїихъ многихъ лучшихъ людей руками поимали, ихъже обрѣтеся числомъ пятьцовъ тысяща и семьсотъ; а списки Новгородскыя, что кончали съ королемъ, да и того

а) вся силы новгородскыя - новгородскыя полки и вся силы Ц. б) Псал. CVI, 27. в) изриновени - и не изриновени *ошибк. во всяхъ сп.; см. Псал. XXXV, 13.* г) въ часѣ времени - такъ должно читать; во всяхъ сп. въ часѣ времени; *см. печ. Соф. Врем. въ нашемъ времени.* д) Псал. CXXVIII, 4.

1471 человекъ обрѣтше у себе же, кто ихъ писалъ, съ ними же вмѣстѣ послаша къ великому князю на обличеніе онѣхъ лукавыхъ мужей Новгородскихъ. Егда же сія услышавъ благочестивый князь великій Иванъ Васильевичъ всея Руси, и върадовася зѣло о неизреченнѣмъ и величѣмъ Божьи милосердыи и о поданиѣи ему отъ Бога свыше помощи на лукавыхъ супостатъ его; и въздавъ хвалу Богу и пречистѣй его Богоматери, еже не попустиша отступникомъ лукавымъ на злую и неподобную мысль ихъ, и на развращеніе святыя церкви, и на смятенъе великихъ земель и на вражду промежъ великихъ государей, и на пагубу всего православья. Къ сему же еще узрѣ написанье грамотъ ихъ, еже имъ бѣяше съ королемъ докончанье, и видѣ въ немъ написано, чтоже города и волости его государева великого княженья, и земли и воды, и что пошлины его въ Великомъ Новѣгородѣ извѣчныя, то все Новгородци на своихъ докончальныхъ спискѣхъ написавше, королю вся отдавающе, да съ тѣмъ къ нему и послаша своихъ пословъ Панфиля Селифонтова да Кирила Иванова сына Макарьина, и съ великимъ челобитьемъ да и со многими дары пишучи да и зовучи его: честный король господинъ нашъ. Имъже, по реченному, обратится болѣзнь его на главу его и на верхъ ихъ неправда снидетъ<sup>а</sup>; еже и бысть имъ по ихъ лукавству и по ихъ злому совѣтованью. Благочестивый же великій князь Иванъ Васильевичъ всея Руси помолвиъ Бога и пречистую Богородицю, и иде впереди на великое свое дѣло, въ путь свой на Великій Новгородъ, и съ своею братьею молодшею, со княземъ Юрьемъ Васильевичемъ, и со княземъ Ондрѣемъ Васильевичемъ, и со княземъ Борисомъ Васильевичемъ<sup>б</sup>, и съ своимъ царевичемъ, и со всѣми своими князми и воеводами, и со всѣми людьми земель своихъ, поспѣшая къ своимъ воеводамъ передовыхъ полковъ. О ихъже воеводскомъ храброваньи Писанье сице глаголетъ: воинъ на брани за благовѣрье аще убьетъ<sup>в</sup>, то не убійства вмѣнишася отъ Святыхъ Отець. Якоже великій Аѳонасій ко Аммону мниху въ посланьи глаголетъ: честій великихъ достойни суть иже во брани храбровавши<sup>г</sup>, и образы подобія ихъ поставляти лѣпо есть, проповѣдаючи храборство ихъ, яко убиваютъ противныя, понеже бо за цѣломудріе и за благовѣрье храборъ на брани и убиваетъ противныя; имъже нынѣ храбровавшимъ<sup>д</sup> и бысть имъ достойная честь отъ своего государя отъ великого князя, за ихъ доброе послуженіе. Егда же съ бою приведени быша мужье Новгородстїи къ великому князю, онъ же благочестивый богумудренъ обличи лукавыя о всѣхъ дѣлѣхъ нечестья ихъ: како они свѣта благочестья отступающе къ Латинномъ прикладахуся, а будучи его отчина великого князя да сами како отдавахуся королю Латинскому государю, а на спискѣхъ докончанья ихъ какъ города и волости его великого княженья Московьского, и земли и воды, и вси его въ Новѣгородѣ пошлины, все королю отписаша по своему съ нимъ докончанью. Егда же симъ всѣмъ<sup>е</sup> изобразивъ ихъ князь великій, и тако всполѣся на лукавыя Новгородци, и повелѣ ихъ казнити мечемъ, болшихъ посадниковъ да и житыхъ, въ нихъже<sup>ж</sup> и оная прелестныя жены Марѣи стартїи сынъ ея Дмитрей приведенъ бысть, посадникъ Новгородскїи, и той нужиѣ отсѣченіе главѣ си прїять и отъ живота си разлучися; съ ними же и Василью Селезенову Губѣ главу отсѣкоша, а отъ житыхъ Кипреяну Арбузеву<sup>з</sup> да и Еремѣю главу же имъ отсѣкоша, за ихъ лукавство и за ихъ отступленіе къ Латынству; и ихъ же многихъ посадниковъ, и тысяцскихъ, и бояръ и житыхъ людей Новгородскихъ разославше по градомъ въ темници вметаша, а и ихъ многихъ разведше по станомъ, у себе ихъ въ крѣпости зѣло держаша и до времени. Егда же отъ Бога

а) *Псал. VII, 17.* б) *вас.* съ княземъ съ михаиломъ ондрѣевичемъ *прибавлено на поляхъ отъ Ц.* в) *убьетъ* • *убьенъ* *ошибк. Ц.* г) *храбровавши* • *такъ въ печ. Соф. Врем.; во всѣхъ св. храбровавшихъ.* д) *храбровавшимъ* • *такъ должно читать; во всѣхъ св. храбровавшихъ.* е) *всѣмъ* • *всѣхъ Ц.* ж) *въ нихъже* • *во всѣхъ св. прибавлено бѣяше.* з) *арбузеву* • *такъ въ печатн. Соф. Врем. и у Карамз. VI, 42; во всѣхъ св. араубеву.*